

六君子湯 三二九

方在補陣五

治脾胃虛弱或寒涼尅伐腫痛不消或不潰斂宜服此湯以壯營氣則諸證自愈

加味四君子湯 三百三十

方在補陣二

治痔漏下血面色痿黃凡諸氣虛脾虛不能攝血等證

四物湯 三三一

方在補陣八

治瘡瘍血虛發熱或因失血或因尅伐或因潰後致晡熱內熱煩燥不安皆宜服之蓋血生於脾脾虛不能生血者宜用

四君子加當歸酒炒白朮以補脾

八珍湯

三三二

方在補陣十九

治瘡瘍脾胃損傷惡寒發熱煩躁作渴或瘡瘍潰後氣血虧損膿水清稀久不能愈

十全大補湯

三三三

方在補陣二十

治瘡瘍氣血虛弱腫痛不愈或潰瘍膿清寒熱自汗盜汗食少體倦發熱作渴頭痛眩暈似中風狀者

補中益氣湯

三三四

方在補陣三一

治瘡瘍元氣虧損惡寒發熱或因尅伐肢體倦怠飲食少思或不能起發消散生肌政歛或兼飲食勞倦頭痛身熱煩躁

作渴脉洪大弦虛或微細軟弱

歸脾湯 三三五

方在補陣三十三

治瘡瘍憂思傷脾血虛發熱食少體倦或脾不攝血以致妄行吐下或健忘怔忡驚悸少寐或心脾作痛自汗盜汗或肢體腫痛大便不調或婦人經候不調晡熱內熱或唇瘡流注及不能消散潰斂等症

獨參湯 三三六

方在補陣三十六

治瘡瘍一切失血或膿水出多氣血俱虛惡寒發熱作渴煩躁蓋血生於氣故血脫者宜補氣陽生陰長之理也用人參

一兩棗十枚薑十片水煎徐徐服

人參養營湯

三三七

方在補陣二十一

治瘡瘍脾胃虧損發熱惡寒血氣俱虛四體倦怠肌肉消瘦
面色痿黃汲汲短氣食少作渴凡大病後最宜用此

五味異功散

三三八

方在補陣四

治脾胃虛弱飲食少思卽四君子湯加陳皮

生脉散

三三九

方在補陣五七

治瘡瘍胃氣虧損陰火上衝口乾喘促或肢體倦怠肌肉消
瘦面色痿黃汲汲短氣汗出不止食少作渴或膿水出多氣

血俱虛煩躁不安睡臥不寧或濕熱大行火土合病脾胃虛弱身重氣短或金爲火制絕寒水生化之源肢體痿軟脚軟眼黑等症

當歸補血湯

三百四十

方在補陣四五

治瘡瘍脾胃虛損或服峻劑致血氣俱虛肌熱大渴引飲目赤面紅晝夜不息其脉洪大而虛重按全無此病多得於飢飽勞役者若誤服白虎湯必死

黃芪六一湯

三四一

方在補陣五十

治瘡瘍陰陽俱虛盜汗不止

參朮膏 三四二

方在補陣四十

治瘡瘍中氣虛弱諸藥不應或因用藥失宜耗傷元氣虛症
蜂起但用此藥補其中氣諸症自愈

東垣聖愈湯 三四三

方在補陣九一

治脾胃虧損膿水不止或金瘡出血心煩不安眠睡不寧五
心煩熱飲食少思

錢氏七味白朮湯 三四四

方在小兒七

治瘡瘍胃氣虛弱或因尅伐或因吐瀉口乾作渴飲食少思

陳氏五味子湯 三四五

方在補陣五九

治瘡瘍腎水枯涸口燥咽乾喘促虛煩作渴

參附湯 三四六

方在補陣三十八

治瘡瘍失血過多或膿瘀大泄或寒涼汗下真陽脫陷上氣喘急自汗盜汗氣短頭暈等證急服此湯以救元氣緩則不治

人參理中湯 三四七

方在熱陣一

治瘡瘍脾胃虛寒嘔吐泄瀉飲食少思肚腹作脹或痛或胸膈虛痞飲食不入

六味丸 三四八

方在補陣百二十一

此壯水之劑夫人之生以腎爲主凡病皆由腎虛而致此方
乃天一生水之劑無有不可用者若腎虛發熱作渴小便淋
秘痰氣壅盛欬吐血頭目眩暈小便短少眼花耳聾咽喉
燥痛口舌瘡裂齒不堅固腰腿痿軟五臟齊損肝經不足等
症尤多用之水能生木故也若腎虛發熱自汗盜汗便血諸
血失瘥此水泛爲痰之聖藥血虛發熱之神劑也

八味丸

三四九

方在補陣百二二

治命門火衰不能生土以致脾胃虛寒而患瀉注鶴膝等症
不能消潰收斂或飲食少思或食而不化臍腹疼痛夜多漩

溺

陳氏加減八味丸

三百五十

方在古補百二三

治腎水不足虛火上炎發熱作渴咽喉疼痛口舌生瘡寢汗
憔悴等證

還少丹 三五

方在補陣一三七

治足三陰經虛損致患鶴膝風等證又補脾腎進飲食之良
劑也

大防風湯 三五二

方在補陣九九

治足三陰虧損外邪乘虛內患鶴膝風或附骨疽腫痛或腫

而不痛不問已潰未潰用三五劑後更全用調補之劑

十宣散 三五三

方在痘疹十四

治瘡瘍脉緩澁體倦惡寒或脉浮緊細用之以散風助陽也

薛氏四神丸 三五四

方在熱陣一五二

治瘡瘍脾腎虛弱大便不實飲食少思或小腹作痛或產後泄瀉肚腹作痛不思飲食

五積散 三五五

方在散陣三九

治風寒濕毒客於經絡致筋攣骨痛或腰脚痠疼或拘急或身重並皆治之

二陳湯 三五六

方在和陣一

治瘍癰中脘停痰嘔吐惡心或頭目不清飲食少思等症

小柴胡湯 三五七

方在散陣十九

治肝膽經風熱瘰癧結核或腫痛色赤或寒熱往來或日晡發熱或潮熱身熱默默不欲飲食或怒火口苦耳聾欬嗽皆

用此藥

小青龍湯 三五八

方在散陣八

治肝肺受寒欬嗽喘急宜服此發散表邪

人參敗毒散 三五九

方在散陣三六

治瘡瘍外有表邪焮痛寒熱或拘急頭痛脉緊有力

不換金正氣散

三百六十

方在和陣二二

治瘡瘍脾氣虛弱寒邪相搏痰停胸膈致發寒熱服此以正脾氣則痰氣自消寒熱不作

加味逍遙散

三六一

方在補陣九四

治瘡瘍肝脾血虛內熱發熱或遍身搔痒寒熱或肢體作痛頭目昏重或怔忡頰赤口燥咽乾或發熱盜汗食少不寐或口舌生瘡耳內作痛或胸乳腹脹小便不利

防風通聖散

三六二

方在攻陣十六

治時毒熱毒便秘熱燥邪實等症若非大滿大實者不可輕用此藥

消風散

三六三

方在散陣四七四九

治風熱癰疹瘙痒及婦人血風瘙痒或頭皮腫痒或諸風上攻頭目昏眩項背拘急鼻出清水噴嚏聲重耳作蟬鳴

犀角散

三六四

方在痘疹六三

治時毒癰瘍熱盛煩躁多渴赤班等症

黃連解毒湯

三六五

方在寒陣一

治瘡瘍癰疽煩躁飲冷脉洪數或發狂言

普濟消毒飲

三六六

方在寒陣十三

治天行時毒頭面腫痛或咽喉不利若饑饉之後患此者最
宜用之仍當兼固胃氣

梔子清肝散

三六七

方在寒陣六十

治三焦足少陽風熱耳內作痒生瘡或出水疼痛或胸乳間
作痛或寒熱往來

柴胡清肝散

二六八

方在寒陣五九

治鬢疽及肝膽三焦風熱怒火之症或項胸作痛或瘡毒發

熱

加味龍膽瀉肝湯

三六九

方在寒陣六四

治肝經濕熱或囊癰便毒下疳懸癰癰腫作痛或潰爛不愈
或睪丸懸掛小便澀滯或婦人陰瘡痒痛或男子陰挺痔漏
腫痛或出膿水

清心蓮子飲

三百七十

方在寒陣三二

治膀胱陰虛濕熱玉莖腫痛或莖竅澀滯口苦咽乾小便色
赤或白濁夜安靜而晝發熱

黃芩清肺飲

三七一

方在寒陣三八

治瘡瘍肺經陰虛火燥而小便不通

東垣清胃散 三七二

方在寒陣五四

治膏粱精熱唇口腫痛齒齦潰爛喉痛上連頭面或惡寒發

熱

竹葉石膏湯 三七三

方在寒陣五

治癰疽胃火盛腫痛作渴

竹葉黃芪湯 三七四

方在寒陣七

治癰疽氣血虛胃火盛而作渴

滋腎丸 三七五

方在寒陣一六三

治瘡瘍腎經陰虛發熱作渴便赤足熱腿軟等證凡不渴而

小便秘熱在下焦血分也最宜此藥經云無陰則陽無以化
若脾肺燥熱所移此當清其化源

瀉青丸

三七六

方在寒陣百五一

治肝經實熱癰癰腫痛寒熱或脇乳作痛大便秘結

大蘆薈丸

三七七

方在小兒百十五

治肝火下疳潰爛或癰腫作痛或治小兒疳膨食積口鼻生
瘡牙齦蝕爛等瘡並重蝕肛門痒痛

五苓散

三七八

方在和陣一八二

治瘡毒下部濕熱小便短少